

Projekat »Diaspora Invest« – Otvoreni godišnji poziv za dostavljanje zahtjeva (engl. APS)

Dodjela grantova/bespovratnih sredstava putem *Fonda malih grantova u saradnji sa općinama/opštinama*

Objavljeno: 22. septembar 2023. godine

Rok za podnošenje zahtjeva za dodjelu grantova: 21. septembar 2024. godine, do 16:00 sati

I. Svrha

Otvoreni godišnji poziv za dostavljanje zahtjeva (u daljem tekstu Poziv) namijenjen je za dostavljanje zahtjeva za grantove/bespovratna sredstva putem *Fonda malih grantova u saradnji sa općinama/opštinama*, koji provodi USAID Diaspora Invest Projekat („DI“ ili „Projekat“). Poziv je otvoren za dostavljanje zahtjeva za grantove/bespovratna sredstva od kvalifikovanih, registrovanih malih, mikro i srednjih preduzeća (MMSP) u Bosni i Hercegovini, sa vezom ili vlasništvom dijasporne, koja za svoje poslovanje u Bosni i Hercegovini traže sufinansiranje za ulaganje u osnovna sredstva.

Uspješnim MMSP će se dodijeliti grant sredstva putem *Fonda malih grantova u saradnji sa općinama/opštinama*. Ukupna vrijednost fonda je 2 miliona dolara, i sufinansira se jednakim doprinosom USAID Diaspora Invest Projekta i partnerskih općina/jedinica lokalne samouprave, a to su: Berkovići, Bihać, Bosanska Krupa, Brčko distrikt BiH, Cazin, Centar Sarajevo, Gračanica, Istočna Ilidža, Jablanica, Jajce, Kakanj, Konjic, Livno, Lopare, Lukavac, Maglaj, Modriča, Tešanj, Travnik, Tuzla, Zavidovići, Zenica i Žepče („lokalni partneri/JLS“). Sva dodijeljena sredstva iz ovog Poziva će imati iste ciljeve Projekta i lokalnih partnera/JLS, odnosno: (i) povećati direktna ulaganja dijasporne, (ii) podržati stvaranje novih radnih mjesta, (iii) promovirati rast preduzeća, putem povećane prodaje i/ili izvoza i (iv) predstaviti nove proizvode i usluge na domaćem i međunarodnom tržištu.

Ovisno o dostupnosti sredstava, Projekat namjerava dodijeliti grantove za finansiranje prihvatljivih aplikacija, koji zadovoljavaju realizaciju projektnih ciljeva, a koje su usklađene s odabranim JLS-ima. Očekuje se da će u okviru Poziva biti dodijeljena sredstva u rasponu od 15.000,00 KM do 70.000,00 KM za maksimalni period provedbe pojedinačne poslovne aktivnosti od osamnaest mjeseci (18 mjeseci).

2. Opće informacije, ciljevi projekta, očekivani rezultati i indikatori

Američka agencija za međunarodni razvoj (USAID) u Bosni i Hercegovini, a putem projekta »Diaspora Invest« podržava društveno-ekonomski razvoj Bosne i Hercegovine putem angažmana bh.dijasporne u privredi BiH.

Kako bi se potaknuo socio-ekonomski angažman i potencijal bh.dijasporne, Projekat je u partnerstvu sa jedinicama lokalne samouprave širom BiH osnovao fond, *Fond malih grantova u saradnji sa općinama/opštinama*, kao zajednički fond ukupne vrijednosti 2 miliona dolara. Sredstva u Fondu se finansiraju u jednakom omjeru DiasporaInvest Projekta i partnerskih jedinica lokalne samouprave. Osnovni cilj ovog Fonda je da se maksimiziraju učinci dijasporne investicije na lokalnom nivou putem dodijeljenih grant/bespovratnih sredstava mladim i start-up bh. preduzećima koji imaju vezu sa bh. dijasporom, sa potencijalom da prošire svoje poslovanje i otvore nova radna mjesta ili čiji su vlasnici/suvlasnici dijasporne investitori, u navedenim partnerskim općinama/opštinama.

Opći ciljevi projekta uključuju:

- jačanje sposobnosti lokalnih samouprava da uključe dijasporu u lokalni ekonomski razvoj,
- proširivanje direktnih investicija na dijasporu visokog potencijala i/ili MMSP-e, startupe i zajednička ulaganja,
- stimulisanje transfera znanja dijasporne i investicionog kapitala lokalnim kompanijama kako bi se podržao ekonomski razvoj i inspirisale društvene promjene,
- proširenje pristupa postojećim i novim finansijskim instrumentima koji omogućavaju protok privatnog kapitala u domaće MMSP-e i startup preduzeća.

Očekivani projektni rezultati:

- privlačenje novih investicija dijasporne i privatnih investicija u BiH u vrijednosti od 50 miliona dolara,

- otvoreno blizu 2.000 novih radnih mjesta u kompanijama vezanim za dijasporu,
- podržano ukupno 500 malih i srednjih preduzeća, startupa i zajedničkih ulaganja (*joint venture*) dijaspore,
- najmanje 30 lokalnih zajednica privlače znanje i kapital dijaspore,
- povećana prodaja i izvoz kroz pristup tržištu zahvaljujući angažmanu dijaspore,
- stvaranje povoljnijeg lokalnog i poslovnog okruženja u zemlji kroz javno-privatni dijalog na visokom nivou sa dijasporom i domaćim poslovnim ljudima i vlastima,
- proširenje postojećih i uvođenje novih finansijskih instrumenata za podršku ekonomskom razvoju.

3. Opis programa

Fond malih grantova u saradnji sa općinama/opštinama poziva sva zainteresirana kvalificirana preduzeća za podnošenje zahtjeva za učestvovanje u takmičenju za dodjelu grant/bespovratnih sredstava putem ovog otvorenog Poziva. Poziv je otvoren cijele godine. Sredstva u okviru malih grantova dodjeljuju se za aktivnosti sa najvećim potencijalom za ostvarivanje ukupnog efekta na lokalnu zajednicu i preduzeće, poput otvaranja novih radnih mjesta, povećanja direktnih investicija dijaspore, stimulisanje rasta, uspostavljanje i/ili jačanje partnerstva domaćih MMSP-a sa dijasporom, prijenos znanja dijaspore, pristup tržištima, mentorstvo, poslovno umrežavanje i jačanje veza između nauke, tehnologije i biznisa, kao i korištenje drugih finansijskih i nefinansijskih doprinosa ekonomskom rastu BiH.

Fond malih grantova u saradnji sa općinama/opštinama je zajednički Fond USAID Diaspora Invest Projekta i partnerskih jedinica lokalne samouprave.

a) *Maksimalni iznos grant/bespovratnih sredstava*

Maksimalni iznos grant/bespovratnih sredstava za koji se može podnijeti zahtjev za dodjelu/aplikacija kreće se u rasponu od 15.000,00 KM do 70.000,00 KM.

b) *Prioritetna područja za razmatranje*

Zahtjevi za bespovratna sredstva/grantova dodjeljuju se za aktivnosti sa najvećim potencijalom za ostvarivanje ukupnog efekta na otvaranje novih radnih mjesta, povećanje direktnih investicija dijaspore, stimulisanje rasta, uspostavljanje i/ili jačanje partnerstva domaćih MMSP-a sa dijasporom, prijenos znanja dijaspore, pristup tržištima, mentorstvo, poslovno umrežavanje i jačanje veza između nauke, tehnologije i biznisa, kao i korištenje drugih finansijskih i nefinansijskih doprinosa ekonomskom rastu BiH.

U samom zahtjevu za male grantove potrebno je jasno navesti rezultate aktivnosti, uz objašnjenje na koji način se očekuje da će navedene aktivnosti generisati opipljive ciljeve poslovanja.

c) *Inkluzija*

U svojim projektnim intervencijama, USAID-ov projekat »Diaspora Invest« stavlja težište na inkluzivnost. Projekat ohrabruje prijave MMSP-a u vlasništvu ili kojima upravljaju ili zapošljavaju žene, mladi, osobe sa invaliditetom ili druge marginalizirane kategorije, ispred MMSP-a osnovanih u nerazvijenim područjima.

d) *Očekivani ishodi*

U zahtjevima za male grantove **obavezno je precizno navesti rezultate aktivnosti** i obrazložiti kako i u kojoj mjeri se očekuje da će isti generisati opipljive ciljeve poslovanja. Kod očekivanih rezultata za sva dodijeljena sredstva potrebno je jasno navesti:

- otvorena nova radna mjesta;
- osigurane investicije dijaspore;
- stimulisan rast preduzeća, izražen očekivanim povećanjem prodaje i/ili izvoza; i/ili
- uvođenje novih proizvoda i/ili usluga za domaće i izvozna tržišta ili proširenje postojećeg poslovanja.

e) Prioritetni sektori

Fond malih grantova otvoren je za sva preduzeća u proizvodnim sektorima, agrobiznisu, energetici i većini uslužnih industrija, uključujući turizam, zdravstvo, informacijske-komunikacijske tehnologije (IKT) i industrije eksternalizacije poslovnih procesa (engl. BPO) s dodatnom vrijednošću.

Prednost prilikom bodovanja daje se prijedlozima koji (i) podstiču inovacije i produktivnost, (ii) obezbjeđuju kvalitetna radna mjesta za sve, uključujući žene, mlade i osobe s invaliditetom, (iii) promovišu otvorenu, izvozno orijentisanu ekonomiju, (iv) podržavaju razvoj manje razvijenih regija, (v) omogućavaju digitalnu transformaciju privrede, i (vi) podržavaju tranziciju ka ekonomiji sa niskim emisijama ugljenika.

f) Finansiranje i podjela troškova

Potrebno je da podnosioci zahtjeva za male grantove osiguraju vlastiti finansijski doprinos u omjeru od najmanje 1:1 u odnosu na iznos zatraženih sredstava kroz grant, odnosno, sufinansiranje JLS-a može iznositi najviše 50% ukupnih sredstava potrebnih za implementaciju poslovnog prijedloga nominovanog u zahtjevu za mali grant. Udio u finansiranju podnosioca zahtjeva može biti u obliku minimalnog gotovinskog iznosa od 50%, dok se preostalih 50% može osigurati kao nematerijalni doprinos podnosioca. Od podnosioca zahtjeva se očekuje da podijele troškove implementacije predloženih aktivnosti u iznosu od najmanje 50% ukupnog troška aktivnosti. Korisnici grantova se podstiču da osiguraju „nematerijalne doprinose“, gdje se pod „nematerijalnim“ podrazumijeva ulaganje u obliku roba i usluga, a ne neophodno u novcu.

Prilikom evaluacije za dodjelu granta, prednost se daje podnosiocima zahtjeva koji obezbijede veće iznose (i u smislu ukupnog udjela u poslovnom prijedlogu, kao i materijalnog u odnosu na nematerijalni udio).

g) Namjensko korištenje sredstava

Tražena sredstva iz Fonda malih grantova moraju biti u cijelosti namijenjena za finansiranje nabavke osnovnih sredstava. Osnovna sredstva se definišu kao sredstva pribavljena za dugoročnu upotrebu, a za koja nije vjerovatno da će biti pretvorena u gotovinu u roku od najmanje 12 mjeseci, kao što je npr. oprema.

Oprema se definiše ili kao materijalna imovina (poput mašina, kompjutera, proizvodne linije itd.) ili kao nematerijalna imovina (softver, zaštitni znak, patent, goodwill, itd.) sa vijekom trajanja dužim od jedne godine.

Uz zahtjev za mali grant potrebno je dostaviti najmanje jednu ponudu za traženu opremu. Premda informativne prirode, kroz ove ponude se osigurava indikativna tržišna vrijednost za traženu nabavku.

h) Predviđeni rokovi

Poziv se otvara dana 22. septembra 2023. godine u 16:00 i ostaje otvoren za podnošenje zahtjeva do 21. septembra 2024. u 24:00. Poziv se ponovo otvara 22. septembra 2024. za narednu godinu.

Svi podnosioci zahtjeva, bilo da su njihovi zahtjevi prihvaćeni za dalje korake ili odbijeni nakon inicijalnog pregleda, obavještavaju se najkasnije u roku od 30 dana od datuma elektronskog podnošenja zahtjeva za male grantove. Zahtjevi koji ispunjavaju administrativne kriterije upućuju se u proceduru tehničke evaluacije gdje se, po potrebi, mogu tražiti dodatne informacije ili pojašnjenja.

Podneseni zahtjevi/aplikacije koji su usklađeni sa administrativnim zahtjevima će biti predmetom tehničke evaluacije, tokom koje su moguća dodatna pitanja ili pojašnjenja, ukoliko to bude traženo.

i) Geografska pokrivenost Fonda

U uspostavljanju Fonda učestvuju partnerske jedinice lokalne samouprave. Podneseni zahtjevi/aplikacije isključivo mogu dostaviti preduzeća koja se nalaze na području grada/opštine/općine koja je navedena kao partnerska jedinica lokalne samouprave. To su: (1) Berkovići, (2) Bihać, (3) Bosanska Krupa, (4) Brčko distrikt BiH, (5) Cazin, (6) Centar Sarajevo, (7) Gračanica, (8) Istočna Ilidža, (9) Jablanica, (10) Jajce, (11) Kakanj, (12) Konjic, (13) Livno, (14) Lopare, (15) Lukavac, (16) Maglaj, (17) Modriča, (18) Tešanj, (19) Travnik, (20) Tuzla, (21) Zavidovići, (22) Zenica i (23) Žepče. MMSP koja podnose zahtjev/aplikaciju će trebati dostaviti valjan primjerak iz sudskog registra kojim dokazuju da su registrovani i da je njihovo sjedište ili poslovna jedinica smještena u ovim gradovima/opštinama/općinama, u momentu podnošenja zahtjeva/aplikacije.

4. Kvalifikacijski kriteriji

Fond malih grantova u saradnji sa općinama/opštinama je namijenjen novim dijasporским investicijama u Bosni i Hercegovini ili da podrži postojeće poslovanje preduzeća koje ima dokazivu poslovnu sponu sa bh.dijasporom, a tokom protekle tri godine, od datuma podnošenja zahtjeva za bespovratna sredstva/grant.

Postoji niz kriterija koji kvalificirani podnosilac zahtjeva treba osigurati, a to su:

1. **Registrovana privredna društva** – *Fond malih grantova u saradnji sa općinama/opštinama* je otvoren za mala i srednja preduzeća (MSP-e)² registrovane u Bosni i Hercegovini. Preduzeća koja još nisu zakonski registrovana, zastupana po njihovom osnivaču, također mogu učestvovati na konkurentskoj osnovi, pod uslovom da se zakonski registruju prije nego što prođu u završni krug Poziva.
2. **Godine postojanja kompanije:** MSP, kao podnosilac zahtjeva, može biti startup ili osnovano preduzeće koje posluje najviše tri godine (0 do 3 godine) u trenutku podnošenja zahtjeva za grant. Za utvrđivanje broja godina rada kompanije uzima se datum prve sudske registracije kao „datum početka“.
3. **Preduzeće** mora imati sjedište ili poslovnu jedinicu u partnerskoj JLS. To su: (1) Berkovići, (2) Bihać, (3) Bosanska Krupa, (4) Brčko distrikt BiH, (5) Cazin, (6) Centar Sarajevo, (7) Gračanica, (8) Istočna Ilidža, (9) Jablanica, (10) Jajce, (11) Kakanj, (12) Konjic, (13) Livno, (14) Lopare, (15) Lukavac, (16) Maglaj, (17) Modriča, (18) Tešanj, (19) Travnik, (20) Tuzla, (21) Zavidovići, (22) Zenica i (23) Žepče.
4. **Omjer investicije** – podneseni zahtjev za bespovratna sredstva/grant treba zadovoljiti omjer ulaganja investicije od najmanje 1:1. Svaki podneseni zahtjev za *Fond malih grantova u saradnji sa općinama/opštinama* učestvuje sa minimalno istim iznosom, kao vlastitim učešćem.
5. **Veza sa dijasporom:** MSP-i koji učestvuju u Pozivu moraju imati jasan odnos sa predstavnikom dijaspore, a koji se utvrđuje prema modalitetu u nastavku:
 - i. **najmanje 20% vlasničkog kapitala pripadnika dijaspore u MSP-u koji učestvuje u Pozivu sa zahtjevom za grant sredstva.** Vlasništvo se može ostvariti ili direktno kao pojedinac ili putem kompanije u većinskom vlasništvu pripadnika dijaspore.

Načini provjere ovog odnosa su sljedeći:

- Dokaz o statusu pripadnika bh. dijaspore, koji može uključivati kopiju boravišne dozvole, radne dozvole i/ili kopiju pasoša (ukoliko je pripadnik bh. dijaspore strani državljanin sa prebivalištem van BiH), ili drugu ispravu koja dokazuje da je pripadnik bh. dijaspore boravio van Bosne i Hercegovine neprekidno najmanje tri (3) godine; i
- Izvod rješenja o registraciji kompanije koja podnosi zahtjev za grant a gdje je jasno navedena vlasnička struktura kompanije podnosioca zahtjeva.

Za pripadnike bh. dijaspore koji posjeduju minimalno traženi vlasnički udio od 20% u kompaniji podnosiocu zahtjeva putem drugog pravnog lica u svom većinskom vlasništvu, podnosilac zahtjeva obavezno dostavlja i izvod iz rješenja o registraciji tog pravnog lica koji dokazuje da je u većinskom vlasništvu pripadnika bh. dijaspore.

III

- ii. **potvrđen odnos sa pripadnikom dijaspore** koji se može dokazati kroz dokaz o trgovačkom i/ili drugom obligacionom odnosu, omogućavanje ulaganja pripadnika dijaspore, zajedničko ulaganje ili drugi pravni odnos kao prihvatljivi oblici nefinansijskih doprinosa poslovnom prijedlogu, gdje se prihvatljivim smatraju sljedeći odnosi:
 - a) **Pripadnik dijaspore otvara pristup stranim tržištima**, odnosno, odnos u kojem predstavnik bh. dijaspore, ili strana kompanija koja je u djelimičnom ili potpunom vlasništvu pripadnika bh. dijaspore,

² MSP-i se kategoriju prema broju zaposlenih i ukupnim prometom ili bilansnom sumom gdje: (i) mikro preduzeća imaju manje od deset zaposlenih i 2 miliona eura ili manje prometa ili bilansne sume, (ii) mala preduzeća imaju između deset i 49 zaposlenih i 10 miliona eura ili manje prometa ili bilansne sume, i (iii) srednja preduzeća imaju između 50 i 249 zaposlenih i 50 miliona eura prometa ili bilansne sume.

nastupa u ime bh. kompanije (podnosioca zahtjeva za grant sredstva) da plasira svoju robu ili usluge izvan Bosne i Hercegovine („Prodajni zastupnik iz dijaspore“).

Načini provjere ovakvih obligacionih odnosa su sljedeći:

- Dokaz o statusu pripadnika bh. dijaspore koji postupa u svojstvu prodajnog zastupnika iz dijaspore, a koji može uključivati kopiju boravišne dozvole, radne dozvole i/ili kopiju pasoša (ukoliko je pripadnik bh. dijaspore strani državljanin sa prebivalištem izvan BiH), ili drugu ispravu u prilog potvrde da je pripadnik bh. dijaspore boravio van Bosne i Hercegovine neprekidno najmanje tri godine. Ukoliko je pripadnik bh. dijaspore ugovorna ili sporazumna strana putem pravnog lica u njegovom većinskom vlasništvu, potrebno je dostaviti izvod iz rješenja o registraciji tog pravnog lica kojim se dokazuje vlasništvo nad pravnim licem.
- Kupoprodajni ugovor ili ugovor koji dokumentuje postojeći, tekući poslovni odnos između prodajnog zastupnika iz dijaspore i bh. kompanije koja podnosi zahtjev za grant. Podnosilac zahtjeva dostavlja kopiju ugovora/sporazuma (koji treba biti preveden samo ako je zaključen na jeziku koji nije jedan od službenih jezika u BiH ili engleski); te
- Kopije prethodno realizovanih narudžbenica i popratnih faktura u godini koja prethodi Pozivu ukoliko se radi o već postojećem odnosu između kompanije sa sjedištem u BiH i pripadnika dijaspore (bilo da djeluje kao lice ili strano pravno lice u vlasništvu ili suvlasništvu pripadnika bh. dijaspore). Ukoliko je ovakav ugovorni odnos između kompanije koja podnosi zahtjev i člana dijaspore zaključen tokom Poziva, za realizaciju i utrošak granta potrebno je dostaviti kopije narudžbenica i popratnih faktura koje potvrđuju izvršenje ovog ugovornog odnosa tokom implementacije granta.

Pripadnik dijaspore se definiše kao emigrant(i) i njihovi potomci koji žive izvan zemlje svog rođenja ili porijekla, bilo privremeno ili trajno, ali i dalje održavaju značajne veze sa svojom zemljom porijekla. Status pripadnika dijaspore dokazuje se važećom ispravom o prebivalištu izvan Bosne i Hercegovine u ukupnom trajanju od najmanje tri godine. Pripadnikom dijaspore se može smatrati i osoba koja se vratila i nastanila u Bosni i Hercegovini u posljednje tri godine prije datuma podnošenja zahtjeva za mali grant. Ova osoba je neprekidno živjela u inostranstvu najmanje tri godine, što se može dokazati važećim dokumentima.

5. Podnošenje zahtjeva

Svako preduzeće zainteresovano da učestvuje u takmičenju i prijavi se za dodjelu bespovratnih sredstava/grantova u odgovoru na ovaj Poziv obavezni su dostaviti zahtjev za male grantove/aplikaciju, popunjenu na engleskom ili jednom od službenih jezika BiH.

Popunjeni zahtjev dostavlja se u elektronskom obliku. Elektronsku kopiju treba popuniti i učitati sa pratećom dokumentacijom koristeći online verziju dostupnu na www.grant.diasporainvest.ba/grant. Zahtjevi/aplikacije dostavljene drugim putem neće biti uvažene.

Preporučujemo potencijalno zainteresiranim podnosiocima zahtjeva/aplikacija da učestvuju na informativnim sastancima/sesijama, a prije nego dostave svoju grant aplikaciju.

Zahtjev za dodjelu bespovratnih sredstava treba dopuniti popratnim dokumentima i certifikatima, kako slijedi:

- Kopija radne dozvole, dozvole boravka, lične karte, pasoša/vize ili drugog oblika identifikacije kojim se potvrđuje status člana dijaspore; pojedinci koji su trenutno stanovnici ili firma registrovana u BiH mogu biti podnosioci zahtjeva, ukoliko je moguće dokazati status člana dijaspore;
- Potpisana izjava kojom se potvrđuje status člana dijaspore;
- Potpisana izjava koja potvrđuje poslovnu saradnju sa bh. dijasporom (**napomena:** potpisati samo u slučaju kada veza sa dijasporom odgovara prema kriterijima podobnosti „Posredniku za dijasporske investicije“) opisanom u odjeljku 4. Podobnost za dodjelu grantova)
- Kopije kupoprodajnog ugovora ili drugih ugovora i izvršenih narudžbi i odgovarajućih faktura (**napomena:** potpisati samo u slučaju kada veza sa dijasporom odgovara prema kriterijima podobnosti „Posredniku za dijasporske investicije“) opisanom u odjeljku 4. Podobnost za dodjelu grantova

- Obavezni certifikati/potvrde;
- Bilans stanja i bilans uspjeha firme za prethodne tri godine, ako je firma postojala u tom razdoblju;
- Izvod iz sudskog registra/registra privrednih subjekata, koji sadrži datum prve registracije, imena osnivača i udjeličara/dioničara;
- Detaljan budžet i period provođenja planirane ideje (**napomena:** pogledati Excel dokument);
- Plan brendiranja i označavanja
- Ostala prateća dokumenta navedena na drugom mjestu u ovom Pozivu.

Napominjemo da zahtjevi za dodjelu bespovratnih sredstava i popratni dokumenti moraju biti potpisani i učitani (upload) uz zahtjev do datuma navedenog u ovom Pozivu. Nepotpune prijave biće odbačene.

Projekat će, po primitku zahtjeva za bespovratna sredstva, potvrditi primitak istih i označiti ih svojim prijavnim brojevima.

Posljednji dan po ovom Pozivu za podnošenje zahtjeva/aplikacija je **21.septembar 2024.godine u 16:00 sati**. Zahtjevi podneseni nakon ovog roka neće biti uvaženi.

6. Ocjenjivanje i odabir

Projekat će formirati Komisiju za reviziju i evaluaciju (REC) u svojstvu tijela za ocjenjivanje, koja će ocjenjivati pristigle zahtjeve/aplikacije tokom cijele godine. Komisija ocjenjuje poslovne prijedloge na osnovu slijedećih kriterija:

(iv) Tehnički kriteriji

- Poslovni prijedlog (30%): Poslovni prijedlozi moraju pokazati dobro osmišljenu ideju i model sa potencijalom da bude profitabilan, održiv i generiše ekonomski razvoj, uz jasno prikazana ulaganja i/ili uključenosti dijaspora. Uspješni prijedlozi jasno artikuliraju prednosti predloženog proizvoda, usluga ili poslovnog modela u odnosu na postojeće i kako poslovni prijedlog može poboljšati ili unaprijediti poslovanje i zajednicu.
- Operacije i rezultati (30%): Prijedlozi moraju iskazati sposobnost postizanja opipljivih rezultata u smislu poslovnog rasta i ekonomskog razvoja tokom perioda granta i kasnije. Potrebno je dostaviti informacije o postojećim operacijama u BiH, ukoliko ih ima. Trebalo bi definisati relevantne indikatore ishoda i ciljeve kao što su proizvodnja, prodaja, otvaranje direktnih i indirektnih radnih mjesta, povećanje plata, pristup informacijama itd.
- Kapacitet za upravljanje (10%): Prijedlozi moraju pokazati kapacitet tima da uspješno realizuju i razvijaju poslovanje u lokalnom kontekstu, i što je najvažnije, da implementiraju specifične ključne aktivnosti navedene u prijedlogu za Fond malih grantova. Dokazi uključuju informacije u vezi sa sastavom tima, relevantnim kvalifikacijama i dokazanim uspjesima i vrstama sistema upravljanja (finansijskih i drugih) korištenim za upravljanje i poslovanje. Prijedlozi moraju pokazati sposobnost da se iskoriste postojeći resursi kandidata u smislu operacija, finansiranja, stručnosti i umrežavanja. Prijedlozi također treba da objasne dubinu i snagu odnosa između pripadnika dijaspora i lokalnog(ih) preduzetnika/preduzeća, kao i svako korištenje vanjskih resursa.

(v) Isplativost i realnost troškova

- Finansijska održivost, finansiranje i mogućnost doprinosa putem drugih finansijskih sredstava (30%): U zahtjevu za male grantove potrebno je navesti realističan finansijski poslovni model u lokalnom kontekstu/tržištu, kratkoročno i srednjoročno, kao i strategiju za dugoročnu održivost. Prijedlozi sadrže opis kako će se koristiti grant sredstva i navode minimalni omjer izdvojenih sredstava jedan naprema jedan za doprinose podnosilaca zahtjeva za finansiranje grantova iz Fonda. Prednost se daje prijedlozima sa predviđenim izdvajanjem sredstava u iznosu većem od omjera jedan naprema jedan. Najmanje polovina odgovarajućeg doprinosa je novčani doprinos. Pored novčanih doprinosa, vrijedni doprinosi su i nematerijalni resursi, kao što je

know-how ili drugi nefinansijski instrumenti, međutim, takvi doprinosi moraju biti dokumentovani, uz mogućnost provjere.

(vi) Ostali uslovi

- Adekvatnost planova brendiranja i obilježavanja
- Posvećena pažnja pitanjima roda, mladih, manjina, osoba sa invaliditetom i drugim pitanjima.
- Rješavanje pitanja okoliša i životne sredine, ukoliko ih ima.

Podneseni prijedlozi koji zadovolje ocjenjivanje, biće obaviješteni o prolasku u naredni krug evaluacije.

Podnositelji zahtjeva čiji prijedlozi budu ocijenjeni kao uspješni biće obaviješteni o prelasku u narednu fazu evaluacije. Podnositelje zahtjeva čiji su prijedlozi ocijenjeni kao uspješni posjetit će tim USAID „Diaspora Invest“ projekta. Posjeta će se također iskoristiti za eventualne pregovore o budžetu, ukoliko tim „Diaspora Invest“ projekta utvrdi da su isti neophodni, kako bi se osiguralo da se predložene poslovne aktivnosti provedu na način kako je to opisano u poslovnom planu. Kandidati koji ispunjavaju kriterije evaluacije biće ocijenjeni od strane Komisije za reviziju i evaluaciju (REC) kao stručne komisije. Komisija za reviziju i evaluaciju će se sastojati od članova osoblja USAID Diaspora Invest projekta i može uključivati istaknute poslovne stručnjake i razvojne praktičare iz USAID-a, partnera iz Fonda za dodjelu bespovratnih sredstava ili drugih razvojnih institucija, kao i lidere iz zajednice dijaspore. Podnosioci prijava odabrani da učestvuju u radu Komisije za reviziju i evaluaciju biće pozvani da ukratko iznesu svoje prijedloge Komisiji i odgovore na sva neriješena pitanja. Nakon obavještenja, podnosioci zahtjeva su dužni pripremiti kratku prezentaciju kako bi predstavili poslovnu ideju kao završni korak revizije. Predviđeno vrijeme za svaku prezentaciju je 15 minuta.

Projekat će zaprimljene zahtjeve/aplikacije pristigle putem ovog Poziva redovito ocjenjivati.

Svi prijedlozi sadržani u zahtjevu za dodjelu bespovratnih sredstava moraju poticati dobre ekološke prakse. Svaka aktivnost koja proizlazi iz ovog Poziva će biti finansirana sredstvima USAID-a i podliježe propisima Vlade SAD-a i USAID-a. Sva dobra i usluge ponuđene u odgovoru na ovaj Poziv, moraju biti u skladu sa geografskim kodom USAID-a 935 u skladu sa Kodeksom federalnih propisa Sjedinjenih Država (CFR), 22 CFR §228, dostupan na: <http://www.gpo.gov/fdsys/pkg/CFR-2012-title22-vol1/pdf/CFR-2012-title22-vol1-part228.pdf>. Bosna i Hercegovina je mjesto gdje se odvijaju aktivnosti.

Period provedbe planirane aktivnosti može biti do 18 mjeseci. Predložena poslovna aktivnost treba iskazati jasan vremenski period provedbe za sve planirane korake iz zahtjeva/aplikacije.

7. Dodjela sredstava

Prije dodjele granta u okviru ovog Poziva, uspješni kandidati su dužni:

a) Reistrovati se i dobiti "Unique Entity Identified" (UEI) broj na stranici <https://sam.gov/content/duns-uei> – prije dodjele sredstava koja su predmet granta pod ovim APS-om, uspješni podnosioci će trebati uraditi registraciju i pribaviti jedinstveni identifikacioni broj subjekta (engl. UEI) na <https://sam.gov/content/duns-uei>. Period registracije i dodjele ovog broja može trajati i do tri sedmice, pa je potrebno planirati ovaj period unutar plana provedbe aktivnosti.

b) Potpisati potvrdu u vezi finansiranja terorističkih aktivnosti kojom se potvrđuje da organizacija podnosioca ne pruža i nikada nije pružala pomoć teroristima za terorističke aktivnosti. Od uspješnih kandidata može se također tražiti da potpišu druge potvrde u vezi dodjele sredstava. Potvrde su priložene u Prilogu A. ovog Poziva.

c) Provedena revizija i utvrđivanje odgovornosti prije dodjele, koje vrši Projekat. Prilikom odlučivanja, Projekat utvrđuje da li podnositelj zahtjeva posjeduje organizacione kapacitete, finansijske kapacitete, interne kontrole, sisteme nabavki (po potrebi) i podatke o dosadašnjem radu kako bi uspješno implementirao aktivnosti u okviru granta. Sredstva se mogu dodijeliti isključivo organizacijama za koje se utvrdi da su odgovorne.

Molimo vas da imate na umu da proces evaluacije i odabira, uključujući dobijanje svih potrebnih odobrenja za zaključenje ugovora o bespovratnim sredstvima/grantu sa uspješnim aplikantima, obično traje 90 dana. Ovaj vremenski okvir je samo informativan i može varirati u zavisnosti od broja pristiglih aplikacija i drugih faktora.

8. Dodatne informacije

Dodatna pitanja možete proslijediti uredu projekta „Diaspora Invest“ u pisanoj formi. Pitanja se podnose na grants@diasporainvest.ba (molimo navedite "Fond malih grantova u saradnji sa općinama/opštinama" – APS-2023-01 Pitanje" u predmetu e-mail poruke).

S ciljem adekvatnog informisanja o Pozivu, planirani su informativni sastanci kako slijedi:

Datum	Grad	Lokacija	Vrijeme i datum	Kontakt
1	Sarajevo	Vanjskotrgovinska komora BiH, Branislava Djurdjeva 10, Sarajevo	29.septembar 2023 u 11 sati	email: prijava@diasporainvest.ba , tel: +387 33 921 246
2	Banja Luka	Privredna komora Republike Srpske Branka Copica 6, Banja Luka <i>Sala Jahorina</i>	2.oktobar 2023 u 13 sati	email: prijava@diasporainvest.ba , tel: +387 33 921 246
3	Kakanj	Općina Kakanj	3.oktobar 2023 u 11 sati	email: prijava@diasporainvest.ba , tel: +387 33 921 246
4	Mostar	Gradska uprava, sala 003	4.oktobar 2023 u 11 sati	email: prijava@diasporainvest.ba , tel: +387 33 921 246
5	Zenica	Velika sala Opštine Zenica	10.oktobar 2023 u 10.30 sati	email: prijava@diasporainvest.ba , tel: +387 33 921 246
6	Brcko	Vijećnica u Brčkom Trg Roberta B. Owena br. 2, Brcko	11.oktobar 2023 u 11 sati	email: prijava@diasporainvest.ba , tel: +387 33 921 246
7	Livno	Gradska vijećnica Livno	16.oktobar 2023 u 14.00 sati	email: prijava@diasporainvest.ba , tel: +387 33 921 246
8	Berkovići	Skupštinska sala opština Berkovići	17.oktobar 2023 u 10.00 sati	email: prijava@diasporainvest.ba , tel: +387 33 921 246
9	Žepče	Restoran California	19.oktobar 2023 u 13,00 sati	email: prijava@diasporainvest.ba , tel: +387 33 921 246
10	Bratunac	Opština Bratunac	20.oktobar 2023 u 11.30 sati	email: prijava@diasporainvest.ba , tel: +387 33 921 246
	Online Session	Online sesija 12.oktobar 2023	15.00 sati	email: prijava@diasporainvest.ba , tel: +387 33 921 246

9. Dostupnost bespovratnih sredstava i druga pitanja

Objavljivanje ovog Poziva (APS) ne predstavlja obavezu projekta „*Diaspora Invest*“, USAID-a, Vlade Sjedinjenih Američkih Država ili Financial Markets International, Inc (FMI) kao ugovarača da dodijeli bespovratna sredstva, niti obvezuje USAID, Vladu SAD-a ili FMI da plaća troškove koji nastanu u procesu pripreme i dostavljanja zahtjeva za dodjelu sredstava Fonda.

Diaspora Invest projekt zadržava pravo da odluči o finansiranju bilo kojeg ili nijednog podnesenog zahtjeva, produži ili skрати rok za dospijće zahtjeva, te da dodijeli sredstva prema revidiranom rasporedu. Dodijeljena sredstva biće podložna raspoloživosti sredstava Fonda.

10. Prilozi

- A. Prateća dokumentacija, potvrde, uvjerenja i druga dokumentacija podnositelaca zahtjeva tražena u skladu s Pozivom.